



Nuuk ulloq 26. juli - 2020

Inatsisartut suleriaasianni § 37, imm. 1 naapertorlugu Naalakkersuisunut imatut apeqquteqarpunga:

Naalakkersuisunut apeqqutit:

- 1. Inuit innarluutillit pillugit inatsisip akuerineqaqqammersup tamakkiisumik atuutilersinneqarnera Naalakkersuisut qanoq malinnaavigitigaat?**
- 2. Inuit innarluutilli pillugit inatsimmi assigiinngisitsineq pillugu aalajangersakkat ilinniartitaanermi qanoq atuutilersinneqavippat?**
- 3. Inatsimmi aalajangersakkat malillugit pissusissamissoortumik siuariartortoqarnera Naalakkersuisut qanoq nakkutigaat, assersuutigalugu innuttaasunut inatsit malillugu taperserneqarsinnaatitaasunut iliuusissatut pilersaarutit, ineriartortitsinissamut pilersaarutit, killiffik pillugu nalunaarusiat il. il. suliarineqartarnera nutarterneqartarnerasullu?**
- 4. Inui innarluuteqarnerannik imaluunniit tarnikkut timikkulluunniit ineriartornermik ajornartorsiuteqartut suli suussusiliiffineqanngitsut misissorneqarnissaat misissorneqarnissaannullu qanoq iliussanersut Naalakkersuisut qanoq qulaakkeertarpaat?**
- 5. Inatsimmi kapitali 5 malillugu pitsaassusilimmik siunnersorneqarsinnaatitsineq Naalakkersuisut qanoq tapersersorpaat ajornannginnerulersippaalluunniit?**
- 6. Kommunit inatsimmik atuinerat Naalakkersuisut qanoq nakkutigilersaarpaat?**
- 7. Inunnut innarluutilinnut inissaqartitsisumik suliffeqarnissap tapersersornissaanut Naalakkersuisut pilersaaruteqarpat Naalakkersuisullu suliniuteqarfimmu tassunga nutaamik pilersaarusiornissamik periusissioinnissamillu pilersaaruteqarpat?**
- 8. Isumaginninnermi siunnersortinut ikiuutitut aningaasanik amerlanerusunik, inunnut ikorfartuisunut, atortunut ikiuutitut suliaqarfinnuunniit taakkunanga agguasannaasunut aningaasanik amerlanerusunik immikkoortorisisoqarnikuua, tamassuminngaluunniit pilersaaruteqartoqarpa?**
- 9. Inuit innarluutillit pillugit inatsisip atuutilersinneqarneranut tunngasunik Naalakkersuisut allanik ilisimatitsissuteqarsinnaappat?**
(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

Qularutissaanngilaq inuit innarluutillit pillugit inatsimmik siorna akuerisatsinnik pisariaqartitsisoqartoq. Kommunit, ineqarfiit aamma Namminersorlutik Oqartussat taassuminnga tamakkiisumik pitsaamillut atuutilersitsineq qulakkeerniarlugu allannguissamut soorunami ilaatigut piffissaqassapput.

Suleqatigiissitsisut nappaataannik annikitsunik suussusiligassaqarsinnaasoq aamma katsorsarniarlugit iliuuseqarfiginiarlugillu aamma tapersersorniarlugit aamma aqqutissaannik nassaartoqartariaraqarnera soorunami ilisimavaat.

Taammaluartoq inatsisip tamaassuma tamakkiisumik atuutilersinneqarnissaa siunertaasutullu tapersiisoqarnissa, ikuisoqarnissaa, siunnersuisoqarnissaa ilitersuisoqarnissaalu pingaartittorujussuugut. Taamaamat taamatut apeqquteqarpugut.



**SULEQATIGIISITSISUT
SAMARBEJDSPARTIET**

Ilinniartitaanermi inatsisip taassuma atuutilersinneqarnissaanik aamma suliassaqartorujjuussuuvugut. Kisitsisinik ilisarinnissinnaanngitsut, naqinnernik ilisarinnissaanngitsut inuillu ineriartornermikkut akornutilli, autismeqartut tarnikkulluunniit nappaasteqartut il.il. ilinniagaqarniarlutik paasineqarniarlutillu akersuupput. Suliffeqarfinni aamma ilisimasaqarnerup paasissutissiisarnerrullu qaffassarnissaannik pisariaqartitsisoqarpoq.

Inatsit akuerineqareerpoq, maannakkullu taanna aaqjissuutiginneqartariaqarpoq.

Atuutilersitsinerup ilutsinnissaanut aamma suliassanik suliarinnittarnermut atortunullu ikiuutitut aningaasanik qulaakkeerinnissamik Naalakkersuisut pitsaasumik iliuseqarnersut ilisimassallugu uagutsinnut pingaaruteqarpoq

Naggataatigut, minnerunngitsumilli, nakkutilliisoqarnissaa uagutsinnut pingaaruteqarpoq, taamaaliluni immikkoortut ikiorneqarnissamik amigaateqartut aaqqiivigineqarniassammata ammaalu paasissutissanik, atuutilersitsinermi ajornartorsiutillu pillugit ilisimasanik il.il. katersuinissap isumaginissaaa pingaaruteqarpoq, taamaalilluni immikkoortut taakku ingerlaavartumik aaqqiivigineqartarniassammata.

Kissaatigineqarpoq apeqqutit ullut qulit qaangiutsinnagit akineqassasut.

Tillie Martinussen

Samarbejdspartiet - Suleqatigiissitsisut